

**PKR: Markah rendah tapi dapat projek sambungan LRT  
MalaysiaKini.com  
3 Julai, 2012**

Pengarah strategi PKR Rafizi Ramli hari ini mendakwa konsortium yang didakwa memenangi tender untuk projek sambungan LRT Ampang menerima penilaian rendah berbanding pembida lain dari segi pengalaman dan kemahiran teknikal.

NONEBeliau mendakwa, keputusan penilaian teknikal oleh perunding kejuruteraan Halcrow untuk projek bernilai lebih RM1 bilion itu mendapati bahawa konsortium berkenaan tiada pengalaman dalam projek rel dan hanya pernah mengendalikan projek bernilai RM40 juta.

Sedangkan, tujuh pembida lain dalam tender berkenaan kesemuanya telah menyiapkan projek bernilai antara RM458 hingga RM5 bilion, dakwanya dalam satu kenyataan.

Rafizi mendakwa, perkara itu dikesan melalui satu surat didakwa dihantar oleh Kumpulan Prasarana kepada jawatankuasa perolehan di Kementerian Kewangan.

"Berdasarkan dokumen-dokumen ini, terbukti bahawa George Kent tidak mempunyai apa-apa kemahiran, kepakaran atau pengalaman yang melayakkannya dianugerahkan tender ini, kecuali hubungan baik di antara George Kent dan Datuk Seri Najib Tun Razak," dakwanya.